

# QUÆSTIO MEDICA

## MATUTINIS AGITANDA DISPUTATIONIBUS

### IN PUBLICIS MEDICORUM SCHOLIS

#### CELEBERRIMÆ ACADEMIÆ CADOMENSIS,

#### PRO PRIMA APOLLINARI LAUREA CONSEQUENDA.

PRÆSIDE M. PETRO DU MEZEREY, DOCTORE MEDICO, PROFESSORE REGIO.

*An aspectus mulieris menstruatae malignus?*

39

**Q**UISQUIS præviâ quâvis opinione solutus cum homine mulierem æquâ lance ponderarit, eam ipsi à supremo omnium conditore Deo proximè similem factam intelliget. Illa quidem simili decorata mente percipit, judicat, ratiocinatur; simili donata corpore dissipabili statim horis alimenta expetit, quæ in chylum mutata per ductum thoracicum ad cor perreptant, sicque sanguini suppetias ferunt, deperdicumque instaurant. At post mortem si mulieris corpus operi anatomico subiciatur detectâ eadem ferè corporis structurâ, detectis iidem quibus ad totam subiecti compagem humores deferuntur Canaliculis, evolutis omnibus intestinis, rectum inter & vesicam tanquam inter duo pulvinaria pars quædam media, fecui propria, pro ætate, temperamento, libidinis usu, corporis proceritate, fœtura, aut sterilitate, modo major, modo minor, modo crassior, modo exilior fecantis oculis sese dat conspiciendam. Hanc totam subeunt arteriæ, venæ, nervi, vasa lymphatica, tubæ fallopianæ. Arteriæ & nervi liquores huic fovendæ, conservandæ, & aliis functionibus obeundis idoneos advehunt, quos venæ & vasa lymphatica exceptos tum ad cor, tum ad Receptaculum Pecquetianum revolvunt: tubæ demum ab eisdem lateribus aliquid aliud præstituræ ascendant. Tandem ut corporibus exterioribus sit pervia, partes veluti ministras habet: quæ prior occurrit rima dicitur, hanc vaginâ subsequitur; orificium denique prioribus superpositum & veluti præ foribus extraneis aditum, hospitibus verò exitum largitur.

**Q**UI à supremo hujus Microcosmi protoplastæ Deo hanc partem tam concinnè fabricatam fuerit contemplantur, eam in infimum licet locum relegatam, utilissimam tamen & operi, si aliâ usquam, nobilissimo dicatam esse intelliget. Magnus quidem ille Prometheus cum hominem post admixtam culpam ex principis murâ luctâ in sese pugnantibus futurum animadverteret, viros & mulieres his partibus instructos esse voluit, quibus mortui licet in nova fobole continuo reviviscerent. Pars ergo illa novæ fobolis principium excipit, exceptum fovet, & in actum fuscitat. Ut fœtus ex illo principio evolutus sensim cresceret, chylus unâ cum sanguine arteriis delatus, continuo in hoc-ce generis humani conceptaculum delabitur; ex illo per glandulas quædam huic parti adnexas percolatus, à vasis umbilicalibus per placentam dispersis excipitur; ex his vel continuo ad secur defluit, ex quo per cavam in cor, & ex corde in totam subiecti compagem disperditur; vel in amnion illius fœci veluti cisternam deponitur, ex eoque per os in ventriculum tum pondere, tum Musculis œsophagi compimentibus descendit, in eoque rursus fermentatus communem chyli tramitem ingreditur, in ipsiusque alimoniam per totum imprægnationis tempus concedit, donec tandem vitæ solitarie pertæsus repetitis calcitationibus Conceptaculi moenia perfrigerit, dilatatiq; tum auræ, tum alimenti liberioris causâ pudendorum locis, ad has-ce visibiles mortalium oras appulerit.

**P**OST onus depositum ad alterum usque imprægnationis tempus pars illa tanquam muta aut feriâs spectanda non est: qui enim Medicinam vel à limine salutarit, eam mulierem à plêthora, sexcentisque aliis morborum generibus liberare non ignorabit. Pars prædicta ut facilis munus exequeretur, præsentissimumque foret sanguini, præ nimia humorum copia vapescenti, remedium, in eâ, natura rugas sulcorum in morem excavatas calavit, in quas, partes salis è sanguine, & aliis corporis liquoribus deciduæ sese impingunt, ibique tandiù cespitant, donec fermenti naturam adeptæ, motu tandem particularum inæquali & turbulento motu, totam uteri substantiam in fervorem agant, sicque tubulorum membranaceorum oscula in uteri cavum hiantia referent, quibus referatis, sanguis tum in his tubulis, tum arteriis capillaribus contentus hoc fermento subactus, divisus, explicatus proprio pondere in illius partis cavitatem decidit, ex hac splendens, rutilus, illi, qui aut per naves, aut è scetâ-venâ profluit similis, sensim dilatato uteri orificio, & compimentibus vaginæ fibrillis, foras protruditur: partes vero prædicti fermenti subtiliores & motu citatiori concitæ, per venas in hanc partem discurrentes ad cor deferuntur, ex quo per arterias, tum ascendentes, tum descendentes ad omnem usque corporis circumferentiam sanguinem comitantur, ipsumque in pristinum suorem restitunt.

**H**IS ergo subtilioribus fermenti uterini particulis adjutus sanguis tota morborum agmina impetit, ipsaque (viribus superior) turbatis velut ordinibus cogit recedere. Sed si forte fortunâ eadem sanitatis & fecunditatis principes moleculæ à crassioribus quibusdam, usque heterogeneis corporibus ita involvantur, irretianturque velut à compedibus extricare non possint, aut saltem defellæ & inertes remaneant, præter indubitatum morborum segetem mulier adhuc ad fuscipiendam prolem inepta evadit; si enim, inquit divinus senex, mulier menstruâ careat purgatione, utero non concipit: partes enim muliebres ut ipsemet hujus sententiæ lucifer Sponius declarat, conceptioni destinatæ humore dulci roridoque non irrigatæ siccæ sunt, & detumescent, feminique masculino recipiendo ineptæ sunt; veluti terra viventium aliâs fecunda parens solitis imbribus privata, iners, steriliq; gleba fit. Sanguini itaque dulci, rorido, splendenti, vitæque simili, ex alimentis parato, à corde cum reliqua liquoris compage in hanc partem vibrato, eorundem spirituum ac fermentorum cum superfluo alio coheredi, præsentem sanitatem conservandi, amissam restituendi, fœcundandi demum vis concessa, quam ætate aut alio quovis casu penitus deletam, quavis arte reparabilem, nemo hujus-ce periodicæ purgationis ignarus existimet.

**F**ACCESSANT ergo illi qui somniantium deliriis obcecâti sanguinem illum pravis ad eò qualitatibus donatum asserunt, ut si quæ floribus, fructibus, vino, cæterisque præter naturam evenierint, ea omnia mulieri menstruum fluxum patienti tribuere nequaquam dubitent. Sed ubi mens? ubi cogitatio? ubi concilium? suam ne sanguis in utero deponit indolem, ut venenatam induat? sed si corporibus heterogeneis imprægnatus alienam induat, tum mille modis vexatur uterus, statimque mulier è sanitate deturbata tandiù languescit, donec impuro purus sanguis succederit; sed quid plura? num si is à balsamica deflectat natura statim humano generi, vitæ dispendium minabitur? quomodo enim uterus sentine officio fungi, & fœtum adhuc nascentem, & ovo quali circumscriptum retinere ac fovere possit? num brevi potius corrumpet? quin & conceptum fœtum ullo nisi impurissimo variisque fordibus inquinato nutrietur alimento, & consequenter ipsum brevi perimetur. Quid ergo hæc commenta in communi totius vulgi, quin & doctissimorum quorundam virorum sermone tanquam certissima, & veluti è tripode dicta venduntur? forsân quod in quibusdam Cacochymis salinæ sanguinis particulæ, ob longiorem in tubulis membranaceis moram, suorem adepte, tantum liquori acorem communicant, ut in posterum non solum uterum & vaginam roderent, sed & quæcunque obvia veluti tabo inficerent. Sed cum impræsentiarum de integra sanitate utentibus sermo habeatur, hujus thesisi conclusio in propatulo est?

*Ergo aspectus mulieris menstruatae non malignus?*



*Hæc Theses proponebat LUDOVICUS BOUTRY, Abrincensis, Artium Magister, die Veneris 7. Maii, æ. R. S. H. M. DCC. ab 8. matut. usque ad meridiem.*

CADOMI, Apud JOANNEM CAVELLER, Regis & Academiæ Typographum.